

ახალი

განთიადი

„შედნიერია ის, ვისაჲ
სამშობლოსათვის უძგერს გული“



31 აგვისტო - 12 სექტემბერი 2013 წელი №16 № 8050 ელფოსტა: AxaliGantiadi@gmail.com.

ოფიციალური ქრონიკა გვ. 32.

ქასის მუნიციპალიტეტის
საკრებულოს თავმჯდომარად
ათანდოლ გომიანელი აირჩიეს
გვ. 32.



ოლიმპიური ჩემპიონი
ჭაბუკებს შორის გვ. 33.



„სოფლის მხარდაჭერის
პროგრამის“ ფარგლებში გვ. 32.

სააკაძის ქუჩის რეაბილიტაცია
გვ. 32.



ფელგმაში
ანთეზული
ჩირაღდანი გვ. 34

თქი ქლის ქინ



„მტკიცები“,
მტკალისეთა
საბმტდან
გვ. 35

გამოიწერეთ გაზეთი
“ახალი განთიადი”

რამდენიმე სიცოცხლე დასწის გუანტიადის
ზაფხულისთვის შერჩევა გვ. 33.



კასპის მუნიციპალიტეტის საკრებულოს თავმჯდომარედ ავთანდილ გომიაშვილი აირჩიეს



23 აგვისტოს კასპის მუნიციპალიტეტის საკრებულოს სხდომა გაიმართა. დღის წესრიგში იყო ორი საკითხი: “კასპის მუნიციპალიტეტის 2013 წლის ბიუჯეტის დამტკიცების შესახებ” კასპის მუნიციპალიტეტის საკრებულოს 2012 წლის 16 ნოემბრის №39 დადგენილებაში ცვლილებების შეტანის თაობაზე და “კასპის მუნიციპალიტეტის საკრებულოს თავმჯდომარის არჩევის შესახებ”.

პირველ საკითხზე ისაუბრა კასპის მუნიციპალიტეტის საკრებულოს საფინანსო-საბიუჯეტო და საინვესტიციო პოლიტიკის კომისიის თავმჯდომარე იაგო დემეტრაშვილმა. მიღებული შესაბამისი გადაწყვეტილების შემდეგ გაიმართა კასპის მუნიციპალიტეტის საკრებულოს თავმჯდომარის არჩევნები. კასპის მუნიციპალიტეტის საკრებულოს თავმჯდომარედ /25 ხმით/ არჩეულია ავთანდილ გომიაშვილი.



28 აგვისტოს აღინიშნა მიძინება ყოვლადწმიდის დედუფლისა ჩვენისა ღვთისმშობლისა და მარადის ქალწულისა მარიამისა

იესო ქრისტეს ჯვარცმის შემდეგ ყოვლადწმიდა ღვთისმშობელი და მარადის ქალწული მარიამი წმიდა მოციქულ იოანე ღვთისმეტყველის სახლში ცხოვრობდა. და აჰა, მოაწია მისი ამქვეყნიური ცხოვრების დასასრულის ჟამმა. ამის შესახებ მას სამი დღით ადრე აუწყა მთავარანგელოზმა გაბრიელმა. დედულესამ მაცხოვრის მოწაფე-მოციქულებთან გამომშვიდობება ისურვა გარდაცვალების წინ და მაშინ ღმერთის ძალითა და სასწაულით ყველა მათგანი უმაღლეს ღვთისმშობელს, გარდა თომასი, რომელიც შორეულ ქვეყნებში იმყოფებოდა ახალი აღთქმის საქადაგებლად. მოციქულებმა იხილეს, როგორ გააბრწყინა ანაზად მარიამის ოთახი უჩვეულო ნათელმა, როგორ გამოცხად-

და ქრისტე და როგორ აღიტაცა ზეცად მისი უწმიდესი სული. ხოლო სხეულს ღვთისმშობლისას მოციქულებმა განუსვენეს გეთსიმანიის ბაღში ანთებული სანთლებითა და ფსალმუნთგალობით.

სამი დღის შემდეგ იერუსალიმს დაბრუნდა მოციქული თომა და მოინახულა სამარხი, სადაც მშობლებისა და მართალი იოსების გვერდით განისვენებდა მარიამი. თომამ მოინდომა სამარხში ეცა თავიანთ ღვთისმშობლისათვის, გახსნეს სამარხი და ოდენ სამოსელი იხილეს მარიამისა, მისი სხეული ზეცად ამაღლებულიყო. იქ მყოფთ მოულოდნელად გამოეცხადა ღვთისმშობელი და უთხრა: “გიხაროდეთ, მე მუდამ ვიქნები თქვენთვის მლოცველი ღმერთის წინაშე” ...

„სოფლის მხარდაჭერის პროგრამის,, ფარგლებში

საქართველოს მთავრობის 2013 წლის 17 მაისის №466 განკარგულებით “სოფლის მხარდაჭერის პროგრამის” ფარგლებში კასპის ტერიტორიული ორგანოს სოფელ მიქელწყაროს გამოეყო 29177 ლარი. სოფლის მაცხოვრებლების უმრავლესობის გადაწყვეტილებით ეს თანხა მოხმარდება სართულო სახლის მშენებლობას.

სახელმწიფო შესყიდვების შესახებ № 89 ხელშეკრულების თანახმად მშენებლობას ინდ. მეწარმე “აზიზ გოიჯაევი” აწარმოებს. მშენებლობა 2 აგვისტოს დაიწყო და ხელშეკრულების პირობების თანახმად 2013 წლის 15 ოქტომბრამდე დასრულდება.

სააკაპის ქუჩის რეაბილიტაცია

2013 წლის 26 აპრილის №380 განკარგულებით განაზღვრა ქალაქ კასპში სააკაპის ქუჩის რეაბილიტაცია, ჭავჭავაძის ქუჩასთან შემადგენელ მონაკვეთთან ერთად გზის სრული სარეაბილიტაციო სამუშაოების შესახებ ეტაპი. სახელმწიფო შესყიდვების შესახებ № 75 ხელშეკრულების თანახმად გზის მშენებლობას კომპანია “ჯი-აი-დი” ახორციელებს. პროექტის დასასრულებლად გამოყოფილია 1 050 000 ლარი. კომპანია ვალდებულია 20 ოქტომბრამდე დაასრულოს სარეაბილიტაციო სამუშაოები, უზრუნველყოს ასფალტის საფარის დაგება, სანიაღვრე სისტემების, ფეხით სავალი ბილიკების, ეზოს შესასვლელების, სანაგვე ურნების დასადგამი ადგილებისა და ბეტონის ჭეხის მოწყობა.



ელენა გოგოლაური, კასპის მუნიციპალიტეტის გამგეობის მთავარი სპეციალისტი საზოგადოებასთან ურთიერთობის საკითხებში.



ოლიმპიური ჩემპიონი ჭანუყეებს შორის

კასპის მუნიციპალიტეტის გამგე-ბელი ოლეგ იაძე, გამგეობის სამსახურე-ბის ხელმძღვანელები და “ჰაიდელ-ბერგცემენტჯორჯიას” კასპის ცემენტის ქარხნის ხელმძღვანელი, ამერიკიდან დაბრუნებულ კასპელ სპორტსმენს გიორ-გი კაციაშვილს და მის მწვრთნელს ნუგ-ზარ მამულაშვილს შეხვდნენ.

16 წლის გიორგი კაციაშვილი უტრესტში ჭაბუკებს შორის ოლიმპი-ური ჩემპიონი გახდა. “ჰაიდელბერგცე-მენტჯორჯიას” კასპის ცემენტის ქარხ-ნის ხელმძღვანელობამ მას საჩუქრად აიპაღი გადასცა.

“ჭიდაობაში ქართველებს ვერავენ სჯობნის. ჩვენთან ჰაერიც კარგია და წყალიც. რუსს თუ ერთი წელი სჭირდ-ება ვარჯიში, ქართველს ერთი თვე ჰყ-ოფნის” - განაცხადა ოლეგ იაძემ.

აშშ-ში ფლორიდის შტატის ქალაქ მაიამიში 2013 წლის 8-11 აგვის-ტოს, ჭიდაობა ძიუდოში, კადეტებში მსოფლიო ჩემპიონატი გაიმართა. ამ ჩემპიონატში მნიშვნელოვანი წარმატე-ბა მოიპოვა გორის ძიუდოს სკოლის სპორტსმენმა რობიზონ ბეგლარაშვილ-მა, იგი ვერცხლის მედლით დაბრუნდა სამშობლოში.

ოლეგ იაძის თქმით, სავარაუ-დოდ მომდევნო წლიდან, ყველა წარ-მატებულ სპორტსმენს მუნიციპალი-ტეტიდან ხელფასის სახით დაახლოე-ბით 300 ლარი დაუწესდება.

ელენა გოგოლაური, კასპის მუნიციპალიტეტის გამგეობის მთა-ვარი სპეციალისტი საზოგადოებასთან ურთიერთობის საკითხებში.



ოცი წლის წინ

1990 წლის 28 ოქ-ტომბრის პირველ მრავალპარ-ტიულ არჩევნებში დამაჯერე-ბლად გაიმარჯვეს ეროვნულმა ძალებმა. პარტიების ბლოკმა “მრგვალი მაგიდა – თავისუფა-ლი საქართველო”, რომლის სპიკერი იყო ზვიად გამსახურ-დია, არჩევნების შედეგების მიხედვით გამანადგურებელი დარტყმა მიიყენა კომუნისტურ პარტიას (ამ არჩევნების დროს მე და ტარიელ შარიფაშვილი №30 კასპის საოლქო საარჩევნო კომისიის წევრები ვიყავით და თითქმის სამი თვე ერთად მოგვიხდა ყოფნა. მხ-არში ვუდღეჯით კომისიის თავმჯ-დომარეს ოთარ ჭონიაშვილს არჩევნების ორგანიზებულად ჩატარებაში. ამ პერიოდში უფრო დაემკობრდით).

ა ხ ა ლ ა რ ჩ ე უ ლ მ ა ეროვნულმა ხელისუფლებამ 1990 წლის 20 დეკემბერს მიიღო დადგენილება “ეროვნუ-ლი გვარდიის დაარსების შესახ-ებ”. ამ დადგენილების შეს-რულების მიზნით ქ. თბილის-ში შეიქმნა პირველი სამი ასეუ-ლი (1991 წლის იანვარში), ხოლო მეოთხე ასეული შეიქმ-ნა უკვე ქ. კასპში (1991 წლის აპრილში). ასეულის მეთაურად დაინიშნა საქართველოზე უზო-მოდ შეყვარებული პატრიოტი კაცი, მართალი კაცი ტარიელ შარიფაშვილი, მის მოადგილედ – ბატონი სოსო მიგრიაული, ხოლო ოცეულის მეთაურებად კასპელი ოფიცრები: გოგა ხოს-რუაშვილი, შოთა დარახველიძე, ნუკრი ყაზარაშვილი და მერაბ მაღლაკელიძე. აპრილ-მაისში ქვედანაყოფი დაკომპლექტდა ახალწვეული გვარდიელებით. ასეული განლაგდა კასპის №148 პროფესიულ-ტექნიკური სას-წავლებლის ტერიტორიაზე.

იმავე წლის აგვისტო-ში საქართველოს პრეზიდენტ ზ. გამსახურდიას და ეროვნუ-ლი გვარდიის სარდალს თ. კი-ტოვანს შორის ურთიერთობა დაიძაბა. პრეზიდენტმა გააუქმა ეროვნული გვარდია და იგი ში-ნაგან ჯარს შეუერთა. პრო-

რამდენიმე სიტყვა კასპის გვარდიული ზაფხულის შესახებ

ტესტის ნიშნად თენგიზ კიტო-ვანმა ჯარი რკონში (შემდეგ შავნაბადაზე, ტელევიზიასთან და თბილისის ზღვაზე) გაიყვანა და დაუმორჩილებლობის გზას დაადგა.

ტარიელ შარიფაშვილ-მა ახალწვეული გვარდიელები

რაც შეეხება მე, 1992 წლის 15 აგვისტოს (აფხაზე-თის ომის დაწყების II დღეს) ჩავირიცხე კასპის ბატალიონ-ში შტაბის უფროსის თანაშემ-წედ კადრების დარგში. ჩემი რეკომენდატორი იყო ტარიელ შარიფაშვილი. პირველად ცივ

გვერდელი /აღაიანი/, ზურაბ მან-ჯიკაშვილი /ქვ. ჭალა/, ვახო პაპუაშვილი /იგოეთი/, ალბერტ (ჩუგუნა) ფეიქრიშვილი /ზემო ხანდაკი/, გივი მენაბდიშვილი /თბილისი/, ზვიად თათიძე /გორი, ქვახვერელი/, ედუარდ დარახ-ველიძე /გორი ჭალა/, აჩიკო



სახლებში გაუშვა, ხოლო ზე-მით ჩამოთვლილი ქართული ჯარის პირველი ოფიცრები, ბედის უკუღმართობის გამო, სხვადასხვა მხარეს აღმოჩნდნენ.

1992 წლის პირველ მარტს ეროვნული გვარდიის კასპის №4 ასეული გადაკეთდა ბატალიონად (4-ჯერ გაიზარდა რიცხოვნობად). ყველა, ადრე გაშ-ვებული ჯარისკაცი, გამოიძახეს სამსახურში. აგრეთვე, ბატალ-იონში მივიდნენ ახალი ოფი-ცრები, რომლებიც საქართველოს ტერიტორიული მთლიანობი-სათვის ბრძოლის გრძელ გზას დაადგნენ სამაჩაბლოში, აფხაზეთ-ში, ცდილობდნენ უკანონო შეი-არაღებული ფორმირებების გა-ნაირადებას სამეგრელოში.

უარზე დადგა: – მე რომ ვომბო, ცოლი მე არ მაწუხებს და შვილი. შენ რომ რამე დაგემარ-თოს, შენს მეუღლეს – ქალბა-ტონ ნანას რა ვუთხრა, ან შენს ეკას და ბექას როგორ შევხედო თვალებში.

1993 წლის მარტში უშუალოდ აფხაზეთში დამაწ-ინაურეს შტაბის უფროსად (მაიორი შოთა დარახველიძე შეეცვალა ამ პოსტზე).

ომმა მძიმე დანაკლისი მოგვაცენა. დაიღუპნენ: ტარიელ შარიფაშვილი /ზემო ხანდაკი/, ალექო მდინარაძე – /ხარაგაული, კაცხი/, კოლია ხოკრიშვილი /კასპი/, ბადრი ცქეტიშვილი /კასპი/, გოგი ედიშერაშვილი /ახალქალაქი/, მორის მუხათ-

ხარხელი /გორი, კირბალი/, ილია კურტანიძე /გორი, კომბი-ნატი/, მამუკა ოდიკაძე /გორი, კომბინატი/, შალვა მაისურაძე /გორი, ტინისხიდი/. გარდა ამისა, 58-მა მეომარმა მივიღეთ სხვადასხვა სირთულის ცეცხლნასროლი ჭრილობები.

ბატონი ტარიელი დიდი მასშტაბისა და დიაპაზონის მე-თაური იყო. მაგრამ როცა მასზე ლაპარაკობენ, არავის არ უნდა დაავიწყდეს, რომ ამ ბატალიონ-ში მსახურობდა კიდევ ერთი ოფიცერი – გიორგი (გოგა) ოდიკოს ძე ხოსრუაშვილი, რომლისგანაც ყველა, დიდი თუ მცირე ჩინის გვარდიელი, ჩუ-მად და ცხადლივ, ვიღებდით მაგალითს. ის ჩემთვის დღესაც

მეომრის, ბრძოლის ორგანიზა-ტორის სიმბოლოა.

ბატონმა გოგამ 1996-99 წლებში წარმატებით დაამთავრა მოსკოვის ყველაზე პრესტიჟული სამხედრო სას-წავლებელი – მ. ფრუნზეს სახ-ელობის სამხედრო აკადემია, ქართულ არმიაში მეთაურობდა დიდ ქვედანაყოფებს და, ბოლოს, ჯარების ლოჯისტიკური უზრუნველყოფის სარდალი გახ-და.

1997 წლის ოქტომბ-ერში თავდაცვის მინისტრმა ვ. ნადიბაიძემ კასპის გვარდიულ ბატალიონს შეუცვალა დის-ლოკაციის ადგილი და ქ. კასპ-იდან გადავიდა შირაქის ველზე (დედოფლისწყაროს რაიონის სოფ. ზემო ქედი), სადაც მე ვცხოვრობდი ოჯახით. ჩემი შვილები კასპის I საშუალო სკოლიდან გადავიყვანე ზემო ქედის II სკოლაში.

1998 წლის 30 სე-ქტემბერს თავდაცვის მინისტრმა დ. თევზაძემ დამაწინაურა, ქ. გორში №1 სასწავლო ცენტრის უფროსის მოადგილედ, სადაც გაეხდით პოლკოვნიკი 2001 წლის 20 დეკემბერს. დაახ-ლოებით 1 წელში შირაქში დარჩენილ სამხედრო ნაწილში ტრაგედია დატრიალდა: შემთხ-ვევითი გასროლით დაიღუპა კიდევ ერთი ღირსეული ოფიც-ერი, მაიორი ნოდარ წერეთელი ...

2002-2003 წლებში ეროვნულ გვარდიაში ჩატარდა დიდი რეორგანიზაცია, სწორედ ამის გამო სამხედრო ნაწილი, რომელიც პოლკოვნიკ ტარი-ელ შარიფაშვილის სახელს ატარებდა, გაუქმდა.

თუმცა, სანამ ის ბიჭე-ბი ცოცხლები იქნებიან, ვისაც კასპის გვარდიულ ნაწილში ერთი დღე მაინც უმსახურია, ანდა ერთი დღე მაინც გაუტარებია სანგარში, კასპის ბატალიონი იცოცხლებს.

ლავრენტი ბაიდაური, პოლკოვნიკი. 10.07.2013 წ.

1993 წლის 25 სექტემბერს დაიდუჰა ეროვნული გვარდიის კასპის ბაგალ-იონის უფროსი, კასპის რაიონის გამგეებელი ტარიელ შარიფაშვილი.

დელოგმაში ანთეზულო ჩირაღდანი

წინასიტყვაობის მაგიერ

ის, ვინც ილიაზე ფიქრისას საქართველოზე არ ფიქრობს, ის, ვინც მატერიალური გაჭირვების გამო მხოლოდ საკუთარ, კერძო მომავლის გეგმებს აწყობს, ის, ვისაც მიაჩნია, რომ სულიერების აღორძინების გარეშე შეიძლება წინ წასვლა, ვერასოდეს გაიგებს საქართველოს დამოუკიდებლობის მნიშვნელობას.

რამდენმა თაობამ წაიღო საიქიოში დარდი საქართველოს დამოუკიდებლობის ვერ აღდგენის გამო. რამდენი დრო, ენერგია, თავდადება და სიცოცხლე შეეწირა ყველაზე მთავარის – თავისუფლების მოპოვების ყოვლისმომცველ სურვილს.

მაშინ, როცა ეროვნული დამოუკიდებლობის იდეა ღრმა იატაკქვეშეთში აერთიანებდა ნამდვილ ქართველებს, ყველაზე დიდ ოპტიმისტ პატრიოტსაც უჭირდა თავისუფალი საქართველოს წარმოდგენა. მზად იყვნენ საბრძოლველად, მაგრამ ერთი წუთითაც არ ტოვებდათ შიში, რომ დიდი იმპერიები ვერ დათმობდნენ “გემრიელ ლუკმას“, ხოლო, როცა ბრძოლა იწყება, მრავალ დამნაშავეს შეიძლება უდანაშაულოც მიჰყვეს, დროში გავრცობილი ბრძოლა კი ყველაზე ძნელი მოსაგებია.

რამდენ მოლოდინს იტევდა საქართველოს დამოუკიდებლობა.

კიდევ კარგი, სამშობლოს სიყვარული ჯიუტია და მძლეთამძლე.

ტარიელ შარიფაშვილი

მრავალთაგან განსხვავებით ტარიელ შარიფაშვილს ჰქონდა მტკიცე შეგნება იმისა, რომ სამშობლოს ბედნიერი მომავლისათვის მსახურების ბევრი გზა არსებობს და თითოეული მთავარი და ერთადერთია.

მან იცოდა, რომ ბედნიერება არ არის ბევრი სახლი (ქალაქში, ზღვაზე, მთაში), ბარაქიანი საბანკო ანგარიშები (ურყევ ვალუტაში), გავლენიანი “მეგობრები”, საჩვენებელი კოლექციები: იარაღების, ძაღლების, ანკესების ... და საერთოდ, საჩვენებელი ცხოვრება მისთვის ისეთივე გაუგებარი იყო, როგორც ყველაფერი არაბუნებრივი. მატერიალურ კეთილდღეობას ამოფარებული მედროვეები ძალიან არაკომფორტულად გრძნობდნენ მასთან თავს, თუმც რატომ, ამას ვერ ხვდებოდნენ. ისე კი ყველა სიკეთეს იმსახურებდა,

სწორედ იმიტომ, რომ მისი ბედნიერება ადამიანებთან ურთიერთობას, სამშობლოს მსახურებას, სიყვარულს, ღირსეულ, ვაჟკაცურ ცხოვრებას გულისხმობდა და საერთოდ ბუნებრივი იყო მოქმედებით, მსახურებით, პოზიციით.

პირველ შეხვედრაზე თქვა, რომ ძალიან უყვარდა ისტორიული წიგნები მეფეებზე, რაინდებზე, ქართველების გამარჯვებაზე. მაშინ ვიფიქრე – ეს რა ნამდვილი მხედართმთავარივით ლაპარაკობს მეთქი. აბა, როგორ წარმოვიდგენდი, რომ ჩემს წინ ჩვენი დროის გმირი იჯდა. გმირი ამ სიტყვის საუკეთესო გაგებით. ის უკვე გამგებელი იყო და ეს სინამდვილე განსხვავებულ ასპექტში გვაჩვენებდა მის სახეს.

მაშინ ნამდვილი ომი იყო უშუქობით, უგაზობით, უმაქრობით ... თუმც, პურს კასპიდან ეზიდებოდნენ გორში, ქარელში, ხაშურში. სახელმწიფო მეთაურის აპარატში, რომ გაიგეს კასელი ვიყავი პირველი ეს მკითხვეს - “კასპში მართლა თეთრი პური ცხვებო? აქ დატვირთვა “მართლა თეთრზე” მოდიოდა ქვეტექსტი კი ასეთი გახლდათ “თეთრი პური თბილისში არა გვაქვს და თქვენ დედაქალაქზე კარგი პური გქონიათ?!”

რა შრომა, გარჯა და თავდადება უჯდებოდა ტარიელ შარიფაშვილს იმ პურით მომარაგება, მარტო მან იცოდა. ბატალიონსაც პატრონობდა, თუმც იმ დროს ის უფრო პოპულარული ამბავი იყო შარიფაშვილის ჯარისკაცები როგორ ვერ სარგებლობდნენ ომის კანონით და უალაფოდ ბრუნდებოდნენ სახლში.

შინაგანი დისციპლინით იგი ყოველთვის აღწევდა წარმატებას, მაგრამ შორს იყო ასკეტიზმისაგან. რამდენად უცნაურად უნდა მოგვეჩვენოს / ჩვენ ვინც ვიცნობდით მას პირადად/ პოეტურის გაგება შეუძლო, მაგრამ არ იყო კაემანს მიცემული კაცი. იგი კეთილი, თავისი ხალხის წარსულით და ღირსეულ მხედართმთავართა ისტორიით დაინტერესებული და მოხიბლული ვაჟკაცი გახლდათ.

მან იცოდა გაზეთის ფასი, მნიშვნელობა, და მართლაც ღირსეულად ედგა გვერდში რედაქციას. გაზეთი რომ გამოდის და სკოლაში სწავლა არ ჩერდება ეს ძალიან მნიშვნელოვანია ჩვენთვის – ხშირად მომისმენია მისგან. იმ უშუქობაში გაზეთი შეუფერხებლად გამოდიოდა და როგორც სამხედრო

ჟურნალისტებმა თქვეს მაშინდელი “განთიადის” მასალებმა ფასდაუდებელი სამსახური გაუწია უახლესი ისტორიის შენახვას. ტარიელ შარიფაშვილის თანადგომით გამომავალ გაზეთში დაბეჭდილი ინფორმაციული შენიშვნები თუ ინტერვიუები ღღეს უკვე ჩვენი სამშობლოს ისტორიის უტყუარი დოკუმენტებია.


გარდაცვალებამდე სამი დღით ადრე, გამგეობის შენობის წინ დაგვიბრდა “- თუ არ მოკვდი გაზეთის გავრცელების პრობლემას აუცილებლად მოვაგვარებო ...” – ისეთი მხნე იყო, ძლიერი, სიცოცხლით სავსე მის სიკვდილს როგორ წარმოვიდგენდით, როგორ ვიფიქრებდით, როგორ დავუშვებდით.

ახლა უკვე შეგვიძლია ვთქვათ, მისთვის საქართველოს ჯარისკაცობა პროფესია არ იყო, ჯარისკაცობა მისი ბედისწერა გახლდათ. მის გარშემო მყოფთ (ვინ იცის, ზოგმა თვალის შევლებაც ვერ მოასწრო) გვიზიდავდა სიაღვლის განუყოფელი ხიბლი. იგი თავისთავად გამორიცხავდა ყოველგვარ ყალბს, მოგონილს, ნილაბისმიერ ურთიერთობებს, მოიცავდა მხოლოდ ნამდვილს, მართალს.

ჩვენ, ჟურნალისტებს, ხშირად გვსაყვედურობენ უფერული და საშუალო მონაცემების სუბიექტთა მაღალ პიროვნებებად წარმოსახვა რომ შეგვიძლია ... მაგრამ ამ შემთხვევაში ეს ხერხი უადგილოა. ტარიელ შარიფაშვილი ომის თაობის რეალური წარმომადგენელია, შესაბამისი სიმამაცით, უდრეკელობით, ტრაგიზმით. იგი იმ ქართველ ჭაბუკთა რიცხვს განეკუთვნება, რომელთაც განება ფართო სარბიელზე გასვლის შესაძლებლობას აძლევს, მათ კი შესწევთ ძალა თავი დააღწიონ იმ გრძელ გარსს, რასაც ჩვეულებრივ პროვინციალიზმს უწოდებენ. ნუ შეგვაშინებს ეს სიტყვა, უნდა სწორად გავიგოთ, რომ პროვინციალიზმში დასახლებულ პუნქტს კი არ ვგულისხმობთ, არამედ აზროვნების სტილსა და მანერას.

დარწმუნებული ვართ ტარიელ შარიფაშვილის ხასიათის მრავალი საინტერესო რამ ჩვენთვის ჩაკეტილ კარს მიღმა დარჩა და ახალი აღმოჩენებიც აღარ გველის, მაგრამ ერთი ფაქტია, ასეთი ვაჟკაცების სიკვდილით ძალიან ბევრი აკლდება ეროვნულ სულს. ტარიელი კი ჩაქრა ისე, როგორც დელგამში გატანილი ჩირაღდანი.

ნანა მერებაშვილი.



დაიგეჟა “განთიქი”

“მოხუცები” მოხალისეთა სამოდა

თავიანთ თავს “მოხუცებს” ისინი თვითონვე უწოდებენ. ეს — არა მოფერებითა და სიყვარულით, არამედ სხვათაგან, ასაკით უფროსთა და, შედარებით, გამოუცდელთაგან გამოსარჩევად. ომისათვის, მართალია, ყველა ერთ საცერში “იცრება” — ასაკიანიცა და უასაკოც, ჭარმაგიცა და ჭაბუკიც, მაგრამ სწორედ საომარ სიტუაციებში, დიდ ფასობენ ასაკმეტი მებრძოლები, ვინც თავის გადარჩენა-დაზოგვაც იცის, გამოცდილებისა და დაფიქრების კვალობაზე, და, ვისაც ახალგაზრდების, დაუღინებლების დაცვა-მზრუნველობაც სჩვევია ... სწორედ ასეთები არიან ისინი — ჩვენი “მოხუცები” — კასპელი მოხალისეები, ვინც აფხაზეთში მიმდინარე ბრძოლებში ივაჟაკა და არა მარტო იქ, მანამდე — სამაჩაბლოში, საქართველოს სხვა ცხელ წერტილებში ...

... ახალ წლამდე ერთი კვირით ადრე ვინაზულე ისინი რეინგზის კასპის სადგურის უფროსის ოთახში. სულ ორი დღის ჩამოსულები იყვნენ და არ იცოდნენ, სად იქნებოდნენ საახალწლოდ “აქ” — კასპში, თუ “იქ” — აფხაზეთში. ომი ის მხეცია, რომელმაც დანდობა არ იცის და შინ მშვიდად არ დაგვამს, თავის მარწუხებში გაგზავნეს ზუსტად ორი წლის სამიჯნო ღამითაც, როცა კაცს არაფერი უჯობს შინაურ გარემოში ყოფნას ... ჰო, მებრძოლისათვის, ზოგჯერ, ახალი წლის დილა საომარ ველზე თენდება... ცხადია, თუ თვითონ შეესწრე ცოცხალი...

... ჯერ კიდევ შუა სექტემბერში კასპის გვარდიული ბატალიონის მეთაურმა, პოლკოვნიკმა ტარიელ შარიფაშვილმა, საგაზეთოდ ინტერვიუ რომ ვთხოვეთ, ქებით მოიხსენია კასპელი ვაჟკაცები — აქაური ამბების ეპიცენტრში მოტრიალენი — გოგიტა ზოსრუაშვილი, თამაზ ჭონიაშვილი, რუზველტ მჭედლიშვილი, კობა გასიტაშვილი, გურამ მაისურაძე, გივი მონასელიძე, გივი გიგაური, ვანო ბატკუაშვილი, ჯონი უთალიშვილი ...

... და, აი, ვესაუბრები ერთ-ერთ მათგანს — თამაზ ჭონიაშვილს. მასთან, სადგურის უფროსთან, ოთახში გავიცანი მისივე მეგობარი, თანამებრძოლი გივი მონასელიძე და ამ შემთხვევითაც ვისარგებლე.

— თამაზ, გილოცავთ ამჯერადაც მშვიდობით დაბრუნებას ... ერთი შეკითხვით მოვედი: როგორი იქნება შენი საახალწლო სურვილები?

— პირველ რიგში ბიჭებს გამოვანმრთელებას ვუსურვებ. აი, გივი ეშერის ალების დროს დაიჭრა ფეხში, ახლა 22 ნაკერი ადევს... გოგის ოჯახს მოთმინება მინდა ვუსურვო, ზოლო მის ვაჟებს მამის მსგავსად სამშობლოს სიყვარულით გაზრდა (გულისხმობს დაღუპული თანამებრძოლის გოგი ედიშერაშვილის ოჯახს)... დანარჩენ ბიჭებზე რა გითხრათ: ყველანი მწყობრში ვართ და მზადყოფნაში ... ლაბრის ალების შემდეგ მცირე ხნით დავბრუნდით... გათენებულზე 2-3 კილომეტრი ჭაობ-ჭაობ ვიარეთ და ისე შევედით ლაბრის ცენტრში, არავინ გველოდა, იმ გზით შეღწევა წარმოუდგენელიც კი იყო, მაგრამ ტარიელ შარიფაშვილმა გარისკა და... ამ ოპერაციის დროს თითიც არავის გააკაწვრია, ოცამდე კაცი ისე დავესხით თავს... კოჩარას კომენდანტის ძმა და-ვატყვევეთ და გორელ 4 ტყვე ბიჭში გადავცვალეთ ... წარმოიდგინეთ, ესენი

გადარჩენას კი არა, შევლას არსაიდან ელოდნენ ... წინა ბრძოლებში ჩვენს სამოდაში ყველა დაგვეჭრა ვოვა გერმისაშვილის გარდა, აი, გივიზე ზომ გითხრით, ნაკერები აქვს, მაგრამ, ნურას უკაცრავად, თავისზე წინ არავის გაუშვებს ... დანარჩენს თვითონ გეტყვით.

გივი მონასელიძე — (კავთისხეველი, 47 წლის კაცია, მუშაობს რაიონის უფროს ეგერად, ჰყავს 3 შვილი და 2 შვილიშვილი):

— ჩემზე რა გითხრათ, თამაზმა ყველაფერი თქვა ... უმჯობესია, ჩვენი სამოსს წვერები გაგაცნოთ ... თვითონ თამაზი ოდნავ უმცროსია ჩვენზე — 37 წლისაა, 2 ვაჟის მამა. ინფარქტგადატანილი კაცია და ბრძოლების დროს ჯიბეში “ლიმონკასთან” ერთად წამლებიც უწყევია. ერთი “ლიმონკა” ყველას გვაქვს იმ შემთხვევისათვის, მტერმა ცოცხლად რომ არ ჩავვიდოს ხელში ...

თამაზისაგან წლებიდან 3 აპრილს ისეთი საჩუქარი მივიღე, იშვიათად რომ ვინმეს რგებია: ფოთში, მალთაყვის ხიდის ალების დროს, დაბადების დღეზე 40 ცალი ტყვია მარუქა.

ზოგელელი რუზველტ მჭედლიშვილი აქ, რეინგზის სადგურში, ტვირთის მიმღებ-ჩამბარებლად მუშაობს. პირველ იანვარს დაბადების დღე აქვს, 52 წლისა სრულდება და ძმურად მივულოცავთ. ეგეც კაი “მოხუცია” — 3 შვილის მამა მისში პაპაც გახდა — ბიჭი შეეძინათ, დავითი... კასპელი გურამ მაისურაძე მხოლოდ 3 დღითაა რუზველტზე უფროსი, სამაგიეროდ უკვე 4 შვილიშვილი ჰყავს... ჩვენი სამოსს წვერია ნუგზარ გურასაშვილიც — ბატალიონის უფროსის მოადგილე და 3 ვაჟკაცის მამა. ისიც პირველ იანვარსაა დაბადებული, მრგვალი თარიღი უსრულდება — “40”... ვოვა გერმისაშვილსაც ყველა იცნობს კასპში, მონადირეთა კავშირის თავმჯდომარეა. ისიც — 3 შვილის მამაა ... ჰო, გია არ დაგვაფიწყდეს ... თბილისელი გია ახალკაცი თამაზის “ავლანელი” მეგობარია. ახალგაზრდაა, მაგრამ იშვიათია ასეთი ძლიერი, საზრიანი და ვაჟკაცური პიროვნება. ეშერის ალებისას ჩვენგან ყველაზე მეტი წვლილი გიამ შეიტანა. ავლანეთში თამაზი სატანკო ასეულს მეთაურობდა, გია — ფეხოსანთა ასეულს და მათი მეგობრობა ჯერ კიდევ იმ ბრძოლებში დაიწყო და იწრთო ...

— მართლაც, ძლიერია გია, ფიზიკურად იმდენად არა, რამდენადაც შემართებით, — გივის სიტყვა ჩამართვა თამაზმა, რომელიც, ცხადია, უკეთ იცნობს მეგობარს, — რომ გაიგო, აფხაზეთში მივდიოდით კასპელები, დაიჟინა, სწორედ თქვენთან ერთად უნდა ვიბრძოლო. არადა, დიდ საქმესა შეჭიდებული: ჯერ 34 წლისაა, მაგრამ უკვე დირექტორის მოადგილეა თბილისის ანალიზური ქიმიის ინსტიტუტში. მეცნიერებათა კანდიდატიც გახლავთ და 2 ბიჭის მამაც.

... აი, ასეთი პატივისცემითა და გაგებით ახსიათებენ “მოხუცები” ერთმანეთს და მშვიდობის ახალ წელს უსურვებენ თავიანთ სამოსსაც და ყველა კასპელსაც ...

მოხალისე “მოხუცების” ყველაზე დიდი სურვილის ახდენისა იყოს: მშვიდობის წელი დაუყენე ჩვენს ხალხს, არსთა განმრიგეო!

ამირან ტალახაძე, 1993წ. 01. 01.



ჩვენ, ქართველებს, ისტორიულად ხომ ერთმანეთის გატანის ნიჭი გვაკლდა ყოველთვის და ალბათ, სოხუმის დაკარგვის ერთ-ერთი მიზეზიც ეს იყო სწორედ... წარსულიდან ხომ კარგად გვახსოვს ბაზალეთის ომი და აქაც მგონი ანალოგიური განმეორდა. იყო გაუგონარი დაქსაქსულობა, შეუთანხმებლობა, ლალატიც, გაუაზრებლობა. ახლა, როდესაც ამ გადასახედიდან ვუყურებ წარსულს, ვრწმუნდები, რომ ერთი პირი არ გვქონდა. ათასი სამხედრო ფორმირება არსებობდა და მრავალ მიზეზთა გამო ვერა და ვერ მოხერხდა ერთად შეკვრა...

ერთი კი გადაუჭარბებლად, თამამად შემოიძლია ვთქვა, რომ ცხელ წერტილებში სწორედ კასპის ბატალიონი წარმოადგენდა მთავარ დასაყრდენ საომარ ძალას, მეტის თქმაც შეიძლება, ჩვენი მრავალრიცხოვანი სამხედრო შენაერთი “თეთრ არწივთან” ერთად იგერიებდა მტრის მთავარ შემოსევებს და სწორედ კასპის ბატალიონი, რომელსაც სათავეში ედგა ტარიელ შარიფაშვილი, უმაგრებდა ზურგს “თეთრ არწივს”...

სოხუმის დაცემამდე ორი კვირით ადრე, კასპის ბატალიონი კვლავინდებურად ისევ აქტიურად ჩაება ევრეთ წოდებულ გაწმენდით საბრძოლო ოპერაციებში. კარგად მახსოვს, ერთ საღამოს მხოლოდ რამდენიმე კასპელი შემოვრჩით, ვიგერიებდით შეტაკებებს, რომელსაც ახორციელებდნენ რუსების, აფხაზების, ჩეჩნების და ზოგადად ჩრდილო კავკასიის ბანდფორმირებები, ევრეთ წოდებული ბასაევის დაჯგუფება. ისიც გავიგეთ, სოხუმთან ახლოს ერთ პატარა სოფელში, კინდლში რუსებმა დესანტი გადმოსხეს. ვრცელდებოდა ინფორმაცია, რომ დესანტი 300 კაცისგან შედგებოდა, ეს იყო რუსების კარგად შეიარაღებული, ტყვიაგაუმტარი ლაბადებით შემოსილი სპეცბატალიონი, რომელიც ჩვენს პოზიციებში შემოჭრას ცდილობდა. უმ-

მრავალი ნათელი მოგონება, დადებითი ემოცია იბადება, როცა გოჩა თათრიშვილს იხსენებენ თანაქალაქელები... მაგრამ მისი უგზო-უკვლოდ დაკარგვის ამბავი სამი წერტილივით უთქმელს ტოვებდა ყველაფერს.


1993 წლის 27 სექტემბერს სოხუმში საბრძოლო ოპერაციების დროს აფხაზეთის ავტონომიური რესპუბლიკის მინისტრთა საბჭოს შენობის დაცვისას გამორჩენილი მამაცობის, მხედრული ვალის მოხდისა და თავდადებისათვის ვახტანგ გორგასლის I ხარისხის ორდენით გოჩა თათრიშვილის დაჯილდოების ფაქტი ოჯახისა და ახლობლებისათვის მისი სიკვდილის დასტურიც იყო...

ასე ტკივილ-სიხარულის ზღვარზე მყოფმა დედამ და მეუღლემ ჩაიბარეს ჯილდო.

სხვათა შორის, ერთხელ გოჩამ პირად საუბარში თქვა: “ყველაფერი გამოცდაა — ქონაც და უქონლობაც”. მატერიალურ კეთილდღეობაზე საუბრისას ასეთ ფრაზას იშვიათად გაიგონებთ. ომში მდგარ საქართველოში კი ასეთი ნათქვამის გააზრება უკვე ბევრს ნიშნავდა. ეს საუბარი მერე, გვიან გამახსენდა, როცა გავიგე, რომ აფხაზეთში თანამებრძოლები გოჩას “ღმერთის კაცს” ეძახდნენ.

ბუნებრივად იბადება კითხვა — რატომ “ღმერთის კაცი?” ღრმადმორწმუნეობის, მრავლისშემძლელობის თუ გამორჩეული პატიოსნების გამო? ახსნა კი ასეთი მივიღე — ყველას გვერდით

● სიბერეში ნახსი საქართველო ხარო



თადარიგის პოლკოვნიკი, ავღანეთის ვეჰაჰანთა სპაჰართაქლოს კავშირის კასპის რაიონულ კავშირის თავმჯდომარე, კასპის გაგალიონის პირველი ასპელის მეთაური თამაზ ჭონიაშვილი ომი წლისწინადაც აფხაზს იხსენებს, გვიყვება, თუ როგორი თავმჯდომარე იბრძოდა ჩვენი გიჟი სოხუმის გადარჩენაში...

მიმესი საბრძოლო ოპერაციის ჩატარება მოვიხდებოდა. იმდენი მოვახერხეთ რომ ჩვენი პოზიციებიც გავამაგრეთ და შეტევაზეც გადავდით, თუმცა ერთი მებრძოლი მაინც დაიჭრა ჩვენს მხარეს.

ხშირად მეკითხებიან, რაღა თქმა უნდა, აინტერესებთ ტარიელ შარიფაშვილთან დაკავშირებული დეტალები. მიმიძის ამის გახსენება, რა თქმა უნდა, ყოველი წვრილმანიც კი მახსოვს...


19 აგვისტოს ქუთაისის კოპიტნარის აეროპორტიდან სოხუმის მიმართულებით გაფრინდით, ეს იყო 45 კაციანი სპეტრეისი, იმავე საღამოს ცნობილი გახდა ისიც, რომ სოხუმი ალყა-

შია. რომ დაფრინდით აეროდრომზე და კასპის ბატალიონის წევრებს მოჰკრა თვალი ცხონებულმა ჟიული შარტავამ, სიხარულით ცას ეწია. ტარიელი იმავე წამს გია ყარყარაშვილთან შესახვედრად წავიდა შტაბში...

სწორედ იმ თაობიზე გაირკვა, რომ თბილისსა და სოხუმს შორის კავშირი გაწყვეტილი იყო. უსწრაფესად უნდა აღდგენილიყო სატელეფონო კავშირი. სოხუმთან ახლოს, სულ რამდენიმე კილომეტრში პატარა სოფელია, ადიუბუა, სადაც განთავსებული იყო საერთაშორისო მნიშვნელობის კავშირგაბმულობის ქვესადგური, რომელიც აფხა-

ბედისწერა — სამშობლოს სიყვარული

1993 წლის 27 სექტემბერს სოხუმში საბრძოლო ოპერაციების დროს აფხაზეთის ავტონომიური რესპუბლიკის მინისტრთა საბჭოს შენობის დაცვისას გამორჩენილი მამაცობის, მხედრული ვალის მოხდისა და თავდადებისათვის ვახტანგ გორგასლის I ხარისხის ორდენით დაჯილდოვდა გოჩა თათრიშვილი (სიკვდილის შემდეგ).



იღვა, ყველას გვეიმედებოდა, თვლიდა, რომ გადასახდენი უნდა გადაგხდეს. კაცს კი პატიოსნება და რწმენა შეუღლის აქაც და “იქაც”...

გოჩა ავღანეთის ბატალიონში იბრძოდა. ბატალიონი ყველაზე რთულ

ადგილებში, სარისკო ოპერაციებში იღებდა მონაწილეობას. სხვათა შორის, სწორედ ისინი სამი დღე ანძას იცავდნენ...

27 სექტემბერს ჟიული შარტავას გვერდით იდგნენ... აქ წყდება

ზებს ჰქონდათ დაკავებული. კასპის ბატალიონმა დავალება მიიღო, რომ 10 კაციანი ჯგუფით გადაგველახა მდინარე კოდორი და შეუმჩნევლად მივსულიყავით დაკავებულ ქვესადგურთან. ამ დროს ჩემთან ერთად იმყოფებოდნენ ირმისა ტყეშელაშვილი, ზურა კენჭუაშვილი, შალვა მამულაშვილი, ბესიკ ერაშვილი, დათო ჰაგლიაშვილი და ზვიად თაბუკაშვილი. მოგეხსენებათ, რომ კოდორი უსწრაფესი მდინარეა და ადვილი არ იქნებოდა დანიშნულების ადგილამდე მიღწევა, მაგრამ გავაკეთეთ ის, რაც უნდა გავაკეთებინა და იმ საღამოსვე გავანთავისუფლეთ დაკავებული სატელეფონო ქვესადგური, რა თქმა უნდა, აღდგა კავშირი, მე თვითონ რაციით დავუკავშირდი გია ყარყარაშვილს და ყველაფერი მოვახსენე.

მომდევნო დღეებშიც არ შეგვიწყვეტია გაწმენდითი საბრძოლო ოპერაციები. ერთ-ერთი შეტაკების დროს, როდესაც სამანქანო გზას ვიცავდით, ეს იყო ზუსტად 20 სექტემბერი, მოულოდნელად ტარიელის ხმა მომესმა: - “თამაზ მომხედ, მგონი დავიჭერიო,” იქვე ჩაის პლანტაციებია და იქ ხდებოდა ეს ყველაფერი. კარგად მახსოვს, პირველი ვინც დაჭრილ ტარიელთან მივიდნენ და უპატრონეს ოსიკო თავმჯავად და ზურა კენჭუაშვილი იყო... მერე მეც მივედი, ჭრილობა შევუხვით, გამოვიყვანეთ სამშვიდობოზე.

სანამ ტარიელი დაიღუპებოდა, სოხუმის რკინიგზის სადგურის მისადგომებთან დაიღუპნენ კოლია ზოკრიშვილი და ალიკა მდინარაძე, აქვე მძიმედ დაჭრნენ კახა ბიჭიკაშვილი, გოგა ზოსრუაშვილი, ნუკრი ციციშვილი.

დღესაც მეხსიერებიდან არ ამომდის ის უცნაური სიზმარი, რომელიც ტარიელის დაღუპამდე ენახე, აი, ახლაც თვალწინ მიდგას სოხუმის სადგურის მისადგომებთან წაქცეული ხარი. სამწუხაროდ, სიზმარი ამიხდა...

ბიოგრაფია. მათ შესახებ არავინ არაფერი იცოდა, არაფერი ვიცოდით გოჩას შესახებაც...

ფაქტიურად დაცემულ სოხუმში დაბრუნდნენ...

როგორც გაირკვა, მათ ძალიან კარგად იცოდნენ, რომ დარჩენილი ხალხის გადასარჩენად წასულებს უკან დაბრუნების შანსი თითქმის აღარ ჰქონდათ.

იქნებ ამ გაცნობიერებულმა მდგომარეობამ ათქმევინა წასვლის წინ, მისთვის ყველაზე ძვირფასი ადამიანისათვის — “ჩემი ცხოვრება და ... შენი ცხოვრება სამშობლოს ეკუთვნის..”

გოჩა თათრიშვილი უკვე იქცა ჩვენი ქალაქის, რაიონის ისტორიის დაუვიწყარ ნაწილად, ის გამორჩეულად გვეამაყება მისი თაობის წარმომადგენლებს. და რამდენად უცნაურადაც არ უნდა მოგვეჩვენოს, “ომის თაობის” სიამაყე ძალიან მნიშვნელოვანი და საჭიროა დღეს, როცა არსებობს საშიშროება, რომ საშოვარს გადაგებულ რეალობაში სამშობლოს სიყვარული მხოლოდ პათეტიკის ბინადარი გახდეს. სამაჩაბლოსა და აფხაზეთის მოუშუშებელი ჭრილობა კვლავ მოითხოვს ჩვენი შესაძლებლობის მაქსიმუმს, ან იქნებ იმაზე მეტსაც.

ყველა ძნელბედობა ღირსეულმა მამულიშვილებმა გადაატანინეს საქართველოს, სამშობლოს სიყვარული კი ყველაზე სასურველი ბედისწერაა ქართველისათვის.

ნანა მერებაშვილი.



მოიხსენა, უფალო, სულნი პირველ გარდაცვალებულთა მშობლებსა, კმათა და ღათა ჩვენთა და ყოველთა სოციალთა ნათესავთა ჩვენთა და შენდევან ყოველნი სოფლანი მათნი ნახსიოთნი და უნახიოთნი, და მიანიჭე მათ სასუფაველი მათა და მკვიდრუხვენი იზინი საუკუნეთა კეთილთა შენთა და ჩრეულთა შენთა წმიდათა თანა.

მძიმე ავადმყოფობის შემდეგ გარდაიცვალა კასპის მუნიციპალიტეტის საპატო მოქალაქე იოსებ (ოსიკო) თავშავაძე. უახლოესმა ადამიანებმა, ოჯახის წევრებმა, დიდმა სამეგობრომ გულისტკივილით დაითირეს ამ ქვეყნიდან ნაადრევად წასული ამაგ-ღარი და უერთგულესი კაცი.

ოსიკო თავშავაძე დაიბადა 1949 წლის 15 მაისს სოფელ ქვემო ჭალაში. საშუალო სკოლის დამთავრებისთანავე შრომითი საქმიანობა დაიწყო ცეკავშირის სისტემაში, სრულიად ახალგაზრდა, გამოუცდელმა კაცმა ყველას ნდობა და პატივისცემა დაიმსახურა. მისი ალლო, საერთო საქმისადმი დამოკიდებულება, პასუხისმგებლობის უდიდესი გრძნობა შეუმჩნეველი არ დარჩენილა. ოსიკო თავშავაძე ათეული წლების განმავლობაში მუშაობდა რაიკოოპერატივში სხვადასხვა საპასუხისმგებლო თანამდებობებზე.

ოთხმოციან წლებში იგი იყო ჯერ რაიკოოპერატივის თავმჯდომარის მოადგილე, ხოლო შემდეგ თავმჯდომარედ დაინიშნა.

1993 წლის შემოდგომაზე ოსიკო თავშავაძე დაინიშნა კასპის რაიონის გამგებლის პირველ მოადგილედ, ორი წლის შემდეგ სახელმწიფო სამსახურიდან ისევ ჩვეულ საქმიანობას, ბიზნესს დაუბრუნდა.



ერთი წლის წინ, 28 აგვისტოს მარიამობა დღეს ტრაგიკულად დაითუხა მამა იოანე

მაქსიმე აღმსარებელი: ცხოვრების დასასრულს, ვფიქრობ, უსამართლოდ უწოდებენ სიკვდილს, უფრო სწორი იქნება სიკვდილისაგან თავდახსნა ვეწოდოთ, ხრწნილებისაგან გათავისუფლება, მონობის დასასრული, მტელვარებათა შეწყვეტა, ბრძოლათა აღკვეცა, წყვდიადიდან გამოსვლა, მოსვენება შრომათაგან, თავშეფარება სირცხვილისაგან, გაქცევა ვნებათაგან და საზოგადოდ რომ ვთქვათ - იგია სამანი ყოველთა ბოროტებათა ... შეუპოვრად იბრძოდნენ რა წმინდანები ამა სოფელთან და ხორციან და აქედან მომდინარე ყველა ბოროტებასთან ... დაუზიანებლად შეინარჩუნეს ღირსება საკუთარი სულისა.


კასპის თეოდორე ტირონის სახელობის ეკლესიაში მამა იოანეს (ცხვირაშვილი) მოსვლის შემდეგ საერძოებლად იმატა მრევლმა. მრევლმა კი იმატა, მაგრამ, მაინც გამოცდის თვალთ აკვირდებოდა ახალ მოძღვარს. მოძღვარი კი დღენიდავ, ტაძრის პრობლემებს აგვარებდა და თან იყოლიებდა მრევლს.

მრევლი სულ უფრო მატულობდა. თუმცა, ურწმუნონიც ხშირად დადიოდნენ ტაძარში: “ამბობენ ახალი მოძღვარი ძალიან საინტერესოდ ქადაგებსო.”

ქადაგების დროს სმენადქცეულ მრევლს, უფრო ზუსტად, თითოეულ მათგანს ეგონა, რომ ქადაგება სწორედ მისთვის იმართებოდა, რადგან მამა იოანე ყოველთვის იმაზე საუბრობდა, რაც ყველაზე მნიშვნელოვანი იყო თითოეული მორწმუნისათვის. ახალი მოძღვარი, მართლაც რომ, გულთამხილველად მიიღო მრევლმა. ამან დიდი ნდობა და სიყვარული მოუტანა მამა იოანეს.

პეტერბურგის სასულიერო აკადემიის კურსდამთავრებული, წარმოშობით ხაშურელი მამა იოანე კასპის თეოდორე ტირონის სახელობის ეკლესიის

იოსებ (ოსიკო) თავშავაძე



„დაცხეული“ სიტყვების წყალდაყალ

დგება წუთები, როცა ჩვენი წასული ახლობლები ძალიან, ძალიან გვაკლია ... თითქოს გულზე მთელი სოფლის დარდმა მოიკალათა და მხოლოდ იმ ახლობელს შეუძლია შენი მოსმენა, გაგება, თანაგრძნობა ...

გახსოვს, სულ ჯავრობდი -” წასულებზე წერა ყველაზე ძნელია,” არა და არავინ დაგრჩენია პატივმიუგებელი; გახსენებაც გამორჩეულად თბილი გამოგდიოდა. თითქოს სევდის ბოქლომს “ინახავდი” და შენი ჯადოსნური გასაღებით ხსნიდი საკრალურ კარებს ... აქ დარჩენილებს მხოლოდ ნათელს უტოვებდი და იმ ნათელში ჩანდა ყველა ის კარგი, რითიც ფასობდა თითოეული მათგანი. ერთხელ შენს თავსაც კი აჯობე, ჩვენი ქალაქის მავანი სახლის წარჩინებული ბინა-

ოსიკო თავშავაძის ცხოვრებაში განსაკუთრებული აღნიშვნის თემა გახლავთ ურთიერთობა ადამიანებთან. მას შეეძლო ყველას თანადგომა, ვისაც მისი დახმარება ესაჭიროებოდა, ვინ მოთვლის რამდენი ადამიანი გადაარჩინა შიმშილსა და სიცივეს. მისი ქველმოქმედება იყო უანგარო და გაუხმაურებელი.

ერთგულების, უღალატობისა და სამოქალაქო გმირობისათვის, ჭეშმარიტი ქველმოქმედებისათვის ოსიკო თავშავაძე 2011 წელს დაჯილდოვდა ღირსების ორდენით, თუმცა, შარშან საქვეყნოდ გახმაურებული ციხის ამბების გამო, უკმაყოფილებისა და პროტესტის ნიშნად უარი განაცხადა სახელმწიფო ჯილდოზე და ორდენი საკუთარი ხელით ჩააბარა მთავრობის კანცელარიას.

ავტორიტეტული ბიზნესმენი, უღალატო და გულისხმიერი მეგობარი, მოსიყვარულე, ყველას ჭირისა და ღვინის გამზიარებელი კაცი ვალდობდილი წავიდა ამ ქვეყნიდან. ოსიკო თავშავაძემ დატოვა დიდი ოჯახი, უერთგულესი და მზრუნველი მეუღლე, შესანიშნავი შვილები, შვილიშვილები, დიდი სამეგობრო.

ღმერთმა ნათელში ამყოფოს მისი სული.

კასპის მუნიციპალიტეტის საკრებულო. კასპის მუნიციპალიტეტის გამგეობა.

დარნი გაიხსენე, ყველა ერთად. იმ დღეებში გვეკითხებოდნენ - ეს როგორ მოიფიქრეთ, ამდენი ჩინებული კასპელი, როგორ “მოკრიბეთ და გააცოცხლეთო!?” შენ კი იმეორებდი “წერილი კი არ იყო კარგი, იმდენი დიდი ადამიანი ცხოვრობდა იმ სახლში გახსენება ცუდი როგორ გამოვიდოდაო!?” ... თუ ისე არ გამოდიოდა, როგორც შენ გინდოდა, თუ უკმაყოფილო იყავი წერილით აიჩემებდი - “სიტყვები მეკარგებაო...” მერე ეს “დაკარგული” სიტყვები ემოციად ლაგდებოდა და იბადებოდა შენი წერილები, დალი მელაძის წერილები.

ხშირად ამბობდი - “მთავარია კვალი ნათელიო!” ჩვენ შენი სიტბო გვენატრება, შენი ნათელი, მეგობრობა, გატანა, სიყვარული, ერთგულება გაზეთის და თანამშრომლების მიმართ ... როგორ გვინდა ისევ ჩვენთან იყო.


აი ახლაც, ისევ გვენატრები... დაბადების დღეს გილოცავთ, ჩვენო საყვარელო.

განთიადელები

სკოლიერების გაცხადწიხივნა

აღორძინებით უკვე შევიდა ქალაქის ისტორიაში. მაგრამ ალბათ გაცილებით მნიშვნელოვანია ის უხილავი ღვაწლი, რომლის შედეგადაც ტაძარში იმატა მრევლმა, მორწმუნე ახალგაზრდობამ და ტაძარი იქცა სულიერების გადარჩენის, გნებავთ სულიერი განვითარების ადგილად. პირადად მომისმენია იქ გამართულ საუბრებზე: “არსებობს სამყაროს სუბიექტივისტური და ობიექტივისტური ხედვა. სუბიექტივისტური ხედვა ამტკიცებს, რომ ყველაფერი ილუზიაა, ყველაფერი მხოლოდ ჩვენს ცნობიერებაში არსებობს მოჩვენების სახით, ხოლო ობიექტივისტური მიმდინარეობა გვეუბნება, რომ ყველაფერი ჩვენს ცნობიერებაში ობიექტური სამყაროს ანარეკლია...” მერაბ მაძარდაშვილის ამ ძნელად “გასაგებ” ფრაზებს მოყვებოდა “ზოგი საგანია, რომ თუ არ დაინახავ, ვერ ირწმუნებ და ზოგი - იმისთანა, თუ არ ირწმუნებ, ვერ დაინახავ.” ილიას ცნობილი გენიალურად უბრალო ფრაზა მოძღვრის ნათქვამი თითქოს უფრო გასაგები და მისაღები ხდება .

მსჯელობის, ფიქრის არეალის გაზრდამ, კათარზისის სიმძაფრემ ყველაფერი შეცვალა, სხვა თვალთ დაანახა მრევლს ცხოვრების ავი და კარგი, შუქი და ჩრდილი, სამზეოზე დარდმა კი არ გაათითოკაცა მრევლი, მოყვასის სიყვარულის ძალა დაანახა. სხვათა შორის, ერთხელ მამა იოანემ თქვა: “სამყარო თან დიდია, თან პატარა - პატარა იმ გაგებით, რომ ყველაფერი ერთმანეთზეა გადაბმული და ის რაც სადღაც, ათიათასი კილომეტრის მოშორებით ხდება, ჩვენს ცხოვრებაში მონაწილეობს “...



ცხოვრება არ გვანებევრებს, მაგრამ მაინც, დროგამოშვებით გვიგზავნის ადამიანებს, რომლებიც გვახსენებენ, რომ მთავარია აირჩიო მთავარი! გიყვარდეს მოყვასი შენი ისე, როგორც საკუთარი თავი და თავს მოვლენილი გასაჭირის დროს გახსოვდეს - მაცხოვარი ადამიანთა მოღვმის ცოდვებისთვის ჯვარზე გააკრეს, შენ კი ...

ნანა მერებაშვილი.



“ყბურა”
გილოცავთ
მზრიაშობას!



შალვა სააკაშვილი

... დიდა ტკივილი, როდესაც
შენი სისხლი და ხორცი შენს გვერდით
აღარ არის. წლები და ასაკი არასოდეს
განსაზღვრავს გულის ტკენის და
მონატრების წუხილს. მზიანი გულის
კაცი იყავი, თბილი, სტუმართმოყვარე,
კარგი მამა, მშობელი, არაჩვეულებრივი
პაპა, კიდევ უფრო მეტად საყვარელი
და სანატრელი მეზღაპრე და მოსაუბრე
დიდა პაპა. ყველას, ყველას ერთნაირად
ძალიან გვტკივა უშენობა. მხოლოდ
ერთი რამ გვაშვიდებს, რადგან ვიცით,
რომ “შენ ხარ იქ, სადაც იგი არა არს
ჭირი, მწუხარება, არცა ურუა, არცა
სულთქმა, არამედ სიხარული და
ცხოვრება იგი დაუსრულებელი აწ და
მარადის და უკუნითი უკუნიამდე”. ამინ!
ნათელში ამყოფოს შენი სული
უფალმა ჩვენს საყვარელ პაპავ!

ოჯახი.

80 წელი
თქვენს
გვერდით

გ ა მ ი ნ ე რ ე თ
„ახალი
განთიადი„!

80 წელი
თქვენს
გვერდით

დადა ჩუიან თაუაუააა,
მეუღლე დალი ნიუარიუვილი, შვილები
ეკა, გიგი, შვილიშვილები გუგა, ნინი,
ნათია, ოსიკო, ეკა, სიკა დავით
ქარაუააა, რძლები ბაკო ჩუიანიკა,
ნინო წართელი, და ლია, ქვები
ჯუგუარი, ნუგარი, ქმისშვილები,
დისშვილები, სოლის ქვები გოგი,
ალიკა ნიუარიუვილი, მამალები
გურამ ქარაუააა, თამილა ჩუიანიკა,
გივი წართელი ოჯახებით, უახლოესი
ნათესაუბი და მეგობრები ღრმა
მეხსარებით იუწყებინ, რომ
გარდაიხვალა
იოსებ (ოსიკო) თაუაუააა.

ქანის მუნიციპალიტეტის
გამგომბა ღრმა მეხსარებით იუწყება,
რომ გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

ზაზა და ნანა მოსიუვილები ოჯახით
ღრმა მეხსარებით იუწყებინ, რომ
გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

განადი ხაჩიკა ოჯახით ღრმა
მეხსარებით იუწყება, რომ
გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

გოგა გომოლური ოჯახით
ღრმა მეხსარებით იუწყება, რომ
გარდაიხვალა იოსებ (ოსიკო)
თაუაუააა და სამიქმარს უხსაღებს
განსვენებულის ოჯახს.

გიორგი (ნიქარა) ნიქლური
ოჯახით ღრმა მეხსარებით იუწყება,
რომ გარდაიხვალა უახლოესი
მეგობარი
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

უზანგი, ქობა, გომიგა, იზა
მოსიუვილები ოჯახებით ღრმა
მეხსარებით იუწყებინ, რომ
გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

ანზორ ბახტაძე ოჯახით ღრმა
მეხსარებით იუწყება, რომ
გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

ბელა ქობიუვილი ოჯახით
მეხსარებით იუწყება, რომ
გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

ლია მენაბდიშვილი ოჯახით
თანაუბრძოლს თაუაუააააის ოჯახს
იოსებ (ოსიკო) თაუაუააის
გარდასვენების ბაგო.

გაზეთი ახალი განთიადი ღრმა
მეხსარებით იუწყება, რომ
გარდაიხვალა ქანის სააკიო
მოქალაქე
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

ნუკრი ბერიუვილი ოჯახით ღრმა
მეხსარებით იუწყება, რომ
გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

ნანა და გიო მერაბიშვილები
ოჯახით ღრმა მეხსარებით
იუწყებინ, რომ გარდაიხვალა
იოსებ (ოსიკო) თაუაუააა
და სამიქმარს უხსაღებს
განსვენებულის ოჯახს.

ჯაგო ჩარაუვი მეხსარებას
გამოთქვას
იოსებ თაუაუააის
გარდასვენების ბაგო და
თანაუბრძოლს განსვენებულის
ოჯახს.

რედაქციაში შემოსული წერ-
ილები არ რეცენზირდება და
ავტორებს არ უბრუნდებათ

გაზეთი იბეჭდება
გამომცემლობა
„ქოლორში,,

რედაქცია ხელმძღვანელობს თავისუფალი პრესის პრინციპებით.
სტაჟიის ავტორის აზრი, შესაძლოა არ ემთხვეოდეს რედაქციის
აზრს. მოგანილი შეჯამების სიზუსტეზე პასუხისმგებელია ავტორი.
სარეკლამო მასალებისა და განხილვების შინაარსზე რედაქცია
პასუხს არ აბებს.
რედაქციის ნებართვის გარეშე მასალების გამოქვეყნება იკრძალება.

რედაქტორი
ნანა მერაბიშვილი

რედაქციის მისამართი:
2600 ქ ქანის
სააკიის ქ. № 68
ტელეფონი 22-25-76